

歷代邊事資料輯刊

本社古籍影印室 輯

北京圖書館出版社

歷代邊事資料輯刊④

本社古籍影印室
輯

北京圖書館出版社

第四冊目錄

邊事彙鈔（清）朱克敬編輯

卷八 一

卷九 五七

卷十 一二一

卷十一 一七三

卷十二 二二一

邊事續鈔（清）朱克敬輯

序 二七五

卷一 二七五

覆奏曾望顏條陳封關禁海事宜折

林則徐 二七九

附密陳夷務不能歇手片 二九〇

籌海篇議守 魏源 二九九

擬選子弟出洋學藝折 曾國藩 三一三

覆奏洋務事宜疏 沈葆楨 三二一

密陳夷務片 袁保恒 三四七

擬陳洋務疏 郭嵩燾 三五—

上合肥伯相書 三六六

論俄羅斯條約疏 三八七

卷三 海防條議 丁日昌 四〇三

卷四 覆奏海防條議 李鴻章 四六七

普法戰紀序 王韜 五〇五

戰紀後序 五一四

卷五 密陳夷務疏節錄 殷兆鏞 五二五

論俄國條約必不可行疏 張之洞 五四三

海國圖志敘 左宗棠 五五七

答友人論異教書 李元度 五六三

上沈相國書節錄 李有棻 五六九

邊事彙鈔卷八

景東劉韞齋先生鑒定

皋蘭朱克敬瞑庵編輯

新甯江孝棠芾生參訂

宋欽宗靖康元年十月金尼瑪哈斡喇布遣楊天吉王訥等以書詰責索親王詣軍前陳謝仍要割地及加其主徽號大臣不知所出遣使講解金人佯許而攻掠自如諸將以和議故皆閉壁不出御史中丞呂好問請亟集滄滑邢相之戍以邊奔衝而列勤王之師于畿邑以衛京城疏入不省金人入眞定攻中山上下震駭廷臣狐疑相顧猶以

和議爲辭好問率臺屬劾大臣畏懦誤國左遷吏部侍郎
帝以太原真定已破大以爲憂下哀痛詔徵兵命河北河
東諸路帥臣傳檄所部得便宜行事王雲至金軍使從吏
先還言金人不復求地但索五輅及上尊號且須康王至
軍乃議和會斡喇布尼瑪哈亦使王訥等來帝乃命康王
往使半道爲金人所卻遂止及王雲還言金人中變必欲
得三鎮不然則進兵取汴都中外震駭詔從官于尙書
省議割三鎮何棗曰三鎮國之根本奈何一旦棄之且金
人無信割地亦來不割地亦來唐恪耿南仲等力主割地

梟辨論不已因曰河北之民皆吾赤子棄地則併其民棄
之爲民父母而棄其子可乎帝悟乃止梟退謂恪曰割三
鎮則傷河外之情不割則太原真定已失不若任之恪唯
唯遂詔河北河東京畿清野令流民得占官舍寺觀以居
金尼瑪哈自太原趨汴所至破降平陽威勝隆德澤州皆
破官吏棄城走者遠近相望尼瑪哈至河外宣撫副使折
彥質以兵十二萬拒之夾河而軍李回以萬騎防河亦至
河上尼瑪哈令軍中取鼓擊之達旦彥質之眾皆潰回亦
奔還金師渡河河南將吏皆棄城走尼瑪哈旣渡河不復

言三鎮遣人來言欲盡得兩河地于是京師戒嚴遣馮解
李若水往使若水屢附奏言和議必不可諧乞申飭守備
王雲固請康王往使詔雲以資政殿學士副王使幹喇布
單許割三鎮奉衣冕玉輅尊金主爲皇叔且上尊號十八
字王由滑濬至磁州守臣宗澤迎謁曰肅王一去不返今
敵又詭辭以致大王其兵已迫復去何益願勿行王遂止
相州金師日偏廷臣共議城守孫傳因讀邱濬感事詩有
郭京楊適劉無忌之語于市人中訪得無忌于龍衛中得
京好事者言京能施六甲法可卻金軍朝廷信之使募兵

守禦金鞞喇布遣使來議割兩河地帝許之遣使往報未
幾金鞞喇布兵至城下屯劉家寺尼瑪哈屯青城使劉晏
來要帝出盟時西南兩道援兵爲唐恪耿南仲遣還于是
四方無一人至者城中惟衛士及弓箭手七萬人乃以萬
人分作五軍備緩急救護命姚友仲辛永宗分領之以五
萬七千人分四壁守禦何鼎募奇兵皆操瓢行乞羸劣之
人未就紀律因作亂殺使臣內前大擾斬數十人乃定都
人又殺東壁統制官辛亢宗詔罷民乘城代以保甲遣使
以蠟書間行出關召兵又約康王及河北守將來援多爲

遷兵所獲唐恪計無所出密言于帝曰唐自天寶而後屢失而復興者以天子在外可以號召四方也今宜舉景德故事畱太子居守而幸西河連據秦雍領天下兵親征以圖興復帝將從之開封尹何杲入見引蘇軾所論謂周之失計未有如東遷之甚者帝翻然而改以足頓地曰今當以死守社稷

賔庵曰強敵及城戰守略無可恃舍出奔之外更無他策唐恪所論與張叔夜請幸襄陽皆深達時勢之計惜帝不能用反聽何杲迂謬之言以致身爲囚虜吁可悲

也

宋欽宗靖康元年十一月南道都總管張叔夜勤王兵至
帝御南薰門見之軍容甚整入對言敵鋒甚銳願如明皇
之避祿山暫詣襄陽以圖幸雍帝不答金人復遣蕭慶來
堅請帝出會盟金人屯青城曰縱兵攻掠王宗澹出戰敗
還金人攻南壁張叔夜范瓊分兵禦之遙見金兵奔還自
相蹈藉死者以千數乃遣間使趣召諸道兵兵無至者城
中惟衛士三百可用然亦仆失五六因時令挑戰以示敢
敵時雨雪交作帝被甲登城以御膳賜士卒易火飯以進

會天大寒士卒噤戰不能執兵有僵仆者帝在禁中徒跣
祈晴復幸宣化門乘馬行泥淖中民皆感泣金人復遣使
來言不須上出城請親王及何臬往議詔越王往將行而
尼瑪哈以兵來逐王乃止于是金人宣言失信攻城益急
再遣使來趣親王出盟詔遣馮解曹輔與宗室仲溫士誦
如金軍請和既至尼瑪哈卽遣還不與交一語金人攻通
津宣化門范瓊以千人出戰渡河冰裂沒者五百人自是
士氣益挫會大雨雪連日夜不止何臬數趣郭京出師京
徙期再三至是京盡令守禦人下城毋得竊窺因大啟宣

化門出攻金師金人分四翼蹙之京兵皆潰京白叔夜自
往作法因下城引餘眾南遁金兵遂登城眾皆披靡帝聞
城破慟哭曰不用种師道言以至于此衛士人都亭驛執
金使劉晏殺之何棗欲親帥都人巷戰金人宣言議和退
師乃止帝聞金人欲和而退命何棗及濟王栩使其軍以
請成尼瑪哈斡喇布曰自古有南即有北不可相無也今
之所議期在割地而已棗還言金人欲邀上皇出郊帝國
上皇驚憂而疾必不獲已朕當親往遂如青城尼瑪哈軍
何棗陳過庭孫傳等從奉表請降尼瑪哈斡喇布喜其主

欲別立賢君宜于族中擇一人爲宋國主仍去帝號帝默然何桌喜和議成既歸都堂作會飲酒十二月帝還自金營士庶及太學生迎謁帝掩面大哭曰宰相誤我父子觀者無不流涕先是金遣蕭慶人居尙書省凡朝廷事皆先關白及是復遣使來索金一千萬錠銀二千萬錠帛一千萬匹于是大括金銀定京師米價勸糶以振民縱民伐紫筠館花木以爲薪以陳迺庭折彥質等爲割地使如河東北割地以畀金又分遣歐陽珣等二十人持詔而往陝西宣撫使范致虛會諸路兵十萬人援道遇金兵不戰而潰

二年正月帝復如金營金人索金銀急且再邀帝至營帝有難色何桌李若水以爲無虞勸帝行帝乃命孫傳輔太子監國而與桌若水等復如青城唐恪聞之曰一之爲甚其可再乎閣門宣贊舍人吳革亦白桌曰天文帝座甚傾車駕若出必墮虜計桌不聽帝至郊張叔夜叩馬而諫帝曰朕爲生靈之故不得不親往帝至青城數日都人日出迎駕而尼瑪哈畱不遣金主得帝降表遂廢帝及太上皇帝爲庶人知樞密院事劉彥宗請復立趙氏不許二月丙寅金人塹南薰門路人心大恐丁卯金人令翰林承旨吳

拜吏部尙書莫儔入城令推立異姓且邀上皇出城京城
巡檢范瓊偪上皇與太后御輦車出宮鄆王楷及諸妃公
主駙馬暨六宮有位號者皆行共三千餘人金人偪帝及
上皇易服畱之營中曰遣人邀索金帛每日和議已定但
所需滿數則奉天子還闕未幾竟立張邦昌擁上皇及帝
北去

暝庵曰敵已圍城徵兵不至出戰不利急帥死士潰圍
遠走別畱一一大臣與之議和選將徵兵以圖恢復金
人兵少必不敢追天下兵糧無非宋有其勢足以自立

卽議和亦易于成計不出此而給于和議進退狐疑卒
致舉國北遷宗社淪覆蓋徽宗平日所用無非庸佞小
人本無識略可濟艱難況身履危亡苟求免死其所建
白無非各顧身家豈復知有君乎一二忠直有謀之士
又情隔分疏其言驟不能入欽固不明亦由徽之貽害
也此時金已滅宋其不能遽有中國者特以來自遠方
風俗迥殊制度懸絕民不相安耳否則一紙詔書羣雄
俯首張劉韓岳諸人或屈下僚或在草莽雖有智勇皆
無所施南渡半壁其可得乎人主不能自強而幸敵之

可勝冀敵之有和皆必亡之道也北宋之亡始誤于童貫之邀功繼誤于何桌輩之遷延待和而實由宋之不能自強其國孟子曰國必自伐而後人伐之信哉

宋高宗建炎元年五月卽位于南京時尼瑪哈北去留兵分屯太原真定河中磁相河間帝命馬忠張換將所部自恩冀趨河間襲之黃潛善等復舉和議請遣宣義郎傅雱爲祈請使又令張邦昌作書貽二帥仍用靖康誓書畫河爲界且下令不得下赦文于河東北及河中府詔止追襲兵屯大河之南應機進止未幾金人復陷河中及解絳慈